

FTV OD PONEĐJELJKA  
DO ČETVRTKA U 23:00

serija

## Deadwood



## ponedjeljak - epizoda 9

Bijesan nakon što Wolcott prekine njegov i Bullockov sastanak sa Moseom, Utter odlučuje napustiti grad. Prijateljstvo između Joanie i Jane se produbljuje, ipak Joanie sve više pada u depresiju i osamu.

## utorak - epizoda 10

Swearngen unajmljuje Stara i Adamsa da pomognu improvizirati prevaru. Cramed, bivši dedvuški paroh nudi da postane lokalni svećenik, dok s druge strane Martha žali zbog svoje odluke da se preseli u Deadwood.

## srijeda - epizoda 11

Swearngen iskorištava tragediju koja je zadesila kamp da bi izbjegao sukob između Wua i Leeja. Ellsworth i Alma napokon postižu dogovor o gorućim pitanjima.

## četvrtak - epizoda 12

Dok se Deadwood sprema za proslavu, dolazak Georgea Hearsta dovodi do pobuna. Hearst ugovara različite uvjete za Farnuma i Swearngena, dok se Wolcott suočava sa posljedicama svojih dijela. Konflikt između kineskih šefova dovodi do krvoprolića.

FTV » PON » 9:30 DOK. SERIJAL

## Invent

Utrke Formule 1 predstavljaju mjesto za testiranje napredaka u automobilske tehnologiji. Svaka komponenta je tako napravljena da automobil bude brži, jači, lakši ili pouzdaniji. Za Toyotu, znanje stečeno na stazi u konačnici koristi njihovim komercijalnim vozilima... Delfin iz rijeke Yangtze, koji je već dugo na popisu ugroženih vrsta, je vjerojatno izumro, navodi međunarodni tim naučnika koji kaže da to označava prvog kita ili delfina koji je izumro zbog ljudske aktivnosti. Slatkovodni delfin, ili baiji, zadnji put je viđen prije nekoliko godina, a tokom intenzivnog istraživanja dugog šest sedmica obavljenog 2006. godine, nije nađen dokaz da je i jedan primjerak ove najrjeđe vrste na svijetu preživio. Britanski naučnici koji su radili sa svojim kolegama iz NASA-e na sondi Saturna otkrili su novi mjesec koji se kreće oko tog planeta. Slike novog mjeseca poslala je misija Cassini-Huygens – zajednički pothvat NASA-e i Evropske agencije za svemir – koji je krenuo na svoje epsko putovanje proučavanja Saturna 1997. g. Son-di je trebalo sedam godina da dođe do njega i od 2004. godine obilazi oko planeta i šalje snimke.

DAVOR MATOŠEVIĆ, MUZIČAR

## Pjesmom potaknuti ljubav

Beogradski muzički sastav, Neverne bebe, početkom ove godine pozvao je neafirmisane bendove da se prijave na Konkurs za najbolju autorsku pjesmu • Među 19 najboljih pjesama su i dvije od Davora Matoševića iz Tuzle



Na Konkurs Nevernih beba vladao je veliki interes izvođača sa prostora bivše Jugoslavije, a prijavilo se čak 99 bendova. U drugi krug za izbor pobjednika ušlo je 19 najboljih pjesama, koje konkurišu za prvu nagradu - potpuno besplatno snimanje jedne pjesme u studiju Nevernih beba. Tu su i dvije pjesme izvođača -benda iz Tuzle, Davor Matošević sa

pjesmom „The truth” i Big Brothers Band sa pjesmom „Nemoj biti tu”.

## Uspjeh za uspjehom

Inače Davor Matošević muzikom se počinje baviti u 15 godini, a uporedo sa sviranjem, počinje pjevati u školskom zboru, nakon čega i u Zboru slovenske skupine „Leopold Volkmer”. Kao gost pjevač, gostuje

i u mnogim drugim zborovima. Zborskim pjevanjem aktivno se bavi već 13 godina. U Zboru katoličke mladeži „Juventus Salinarum” 2005. godine komponuje pjesmu pod nazivom „Grad na gori”, koju snima s Vedranom Čičkom - šefom Tamburaškog orkestra Muzičke produkcije BiH. Sa tom pjesmom se zbor prijavljuje na festival duhovne muzike u Sarajevu, „Framafest 2005”. Naredne godine, Hrvatski katolički radio, (glazbeni urednik Slavko Nedić), te Radio postaja „Mir” Medugorje, proglašavaju „Grad na gori” najboljom pjesmom prethodnog festivala, a Radio „Mir” zbor je proglasio „najperspektivnijim sastavom”.

- U međuvremenu, Tuzlanski tamburaški sastav „Terzijan” pozvao me da kao vokalni solista s njima nastupim na tamburaškom festivalu u Sloveniji, a u okviru „Kranj festa 2005”. Repertoar se sastojao se od obrada svjetskih rock hitova i latino jazz standarda u tamburaškom aranžmanu. Tu nas je zapazio veleposlanik Velike Britanije i pozvao na turneju po Velikoj Britaniji. Ali iz tehničkih razloga nismo otišli, ističe Davor Matošević.

## Kompletan autor

Od prošle godine, sada već sa zrelijim stavom o muzici i izgrađenijom muzičkom svijesću,

Davor počinje komponovati nove pjesme, sa tekstovima na engleskom jeziku, što je logičan slijed, jer cijeli život najviše sluša i izvodi muziku sa engleskog govornog područja.

- Pjesme su urađene u acoustic - indie maniru. Cilj mi je te pjesme snimiti u kvalitetnom muzičkom studiju i plasirati ih i na domaćem i na stranom tržištu, govori mladi muzičar.

O njegovim pjesmama i pjevanju, recimo Siniša Škarica, direktor programa, Croatia Records iz Zagreba kaže: „Davor zaista odlično pjeva i adekvatno tomu se prati na gitari. Pjesme su, također, dobre, u stilu singersongwriterskog idioma, onoga sa West Coasta.” Nadalje, Emir Bukovica, muzičar iz Sarajeva ističe kako sve zvuči sasvim dobro i moderno. „Da ovo pjeva James Blunt, svi bi poludili od sreće i pohvala. Davor treba probati vani!

## Prati korak s vremenom

Branimir Bane Lokner, muzički publicista i komentator iz Zemuna također se pohvalno izrazio o Davorovim pjesmama, koje imaju element americane, upravo kakav se u posljednje vreme izvodi. Dakle, Davor u izvođačkom i autorskom smislu ide u korak sa vremenom. Vrlo jaka strana mu je emocionalni deo i



Sa zrelijim stavom o muzici, rađaju se nove pjesme sa tekstovima na engleskom jeziku